

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

X.

[urn:nbn:de:bsz:31-122751](#)

IX.


Non me memoriâ tuâ, Reverende & Clarissime D. D. Præceptor omni obser-
vantia colende, ideò excidisse putabo, quod Reverendæ tuae Dignitati, literis
crebris mihi obstrepenti, responsi haec tenus fortè datuna fuit nihil; quam enim mul-
tis & variis negotiis illa nnnquam non urgeatur, adeò mihi constat, ut omnibus va-
care semper labores quotidiani non patientur, quapropter facile acquiesco, spe-
rans fore, ut, si pro oblata occasione, tribus vel quatuor literis Rever. tham salutando,
ad grati discipuli exemplum, meam observantiam illi declarem, Rev. tua hoc
animi mei argumentum promptâ sit acceptatura fronte. Meus quis sit status Rev.
tua rogit, exigius certè, adhuc enim extra ministerium, sic me regente Domino,
vivo, tu, Reverende vir, si tuo me consilio, auxilio, & promotione juvare potes, ut
certe potes, mei quæso non esto immemor: vide quâm egregiè, hoc in te benevolè
fuscepto, operam tuam mihi navare possis; DEO ministerium meum consecrare,
discipulo tuo in re familiarí succurreres, & denique ut me, sic & meos omnes, usque
dum viveremus, tibi, Præceptor, obstringeres: Fxit DEUS, ut omnia benè fiant, &c.
Rev. D. D. Menzerus contra Pistorium hunc est in castris, nervum militiae mon-
strant hæ nundinæ. Studioſi nostri Marpurgenses qui abituriunt, omnes fere Ar-
gentinam contendunt, dici autem non potest, quam Schola vestra apud nos sit in
existimatione, cui precor incrementa à Domino. Nova cum nobis inaudiantur
nulla, nunc taceo, & scriptum finio, Reverendam tuam Dignitatem DEI Optimi
Maximi tutelæ cum totâ familiâ commendans.

Dabatur Marpurgi Cattorum, Anno 1602. 23. Martii.

R. Tue

obſ.

Georgius Herdenins, D.



X.

Sal. in Servatore Christo, Reverende & clariss. D. Do-
cotor, compater frater & collega honorande.

Liber refellens articulos aliquot falsò impositos, qui in vulgatis editionibus Au-
gustino ascribitur, tom. VII. col. 1552. propriè non ipsius Augustini est, sed disci-
puli ejus, Proſperi Aquitanici, episcopi Rhegiensis, ad capitula objectionum Vincen-
tianarum.. Qui quidem Proſper, eodem planè arguento etiam scripsit Responsi-
quæc.

ones ad Capitula Gallorum, ad excerpta Genuensium, & contra Collatorem Cal-
fianum: quæ omnia videri possunt in volumine Prosperi, quod inspiciendum mitto.
Habetur tamen liber ille pro Augustiniano, non tantum ab Erasmo, aliisque Ponti-
ficiis, sed à Lamberto Danœo etiam, in paratitlis tom. VII. Augustiniani. Itaque
à nobis etiam, vel pro Augustiniano citari poterit, vel pro Prosperiano. Nihil enim
authoritati ejus alterutra harum rationum decedit, cum ut in jure civili Pater & Fi-
lius pro una persona reputantur, sic Præceptor & discipulus ~~unus~~ unam similiter
repræsentent personam. Oratio tua de amplitudine meriti & passionis D.N.J.C.
mihi per placet. Bene in Christo Servatore vale, Argentorato, 24. Martii, 1602.

Rev. Dign. Tua

studioſis.

J. P.



XL.

*Salutem omniaque prospera tibi tuisque, Reverende &
clarissime Domine Doctor, amice & frater plurimum colende, in Christo
Servatore precor.*

Quæ ante aliquot menses de M. Helvici Garthii donis & virtutibus scripsi-
sti, iisdem se quoq; nobis probavit & commendavit. Disputationem namq;
de Discrimine Legis & Evangelii à se contra Bellarminum conscriptam magna
cum laude publice defendit. Non minori cum approbatione concionem ad po-
pulum, & electiones, quas vocant, cursorias studiosis dedit. Deniq; in Examine
præclararam suam eruditionem abundè testataam nobis facit. Unde summos
in Theologia honores ipsi conferre minimè dubitavimus: Optima spe freti,
ipsum donis divinitus sibi collatis in Ecclesia Christi utilissimè laboraturum,
& fortè veritatis hyperaspisten contra Jesuitarum & Calvinianorum strophas
& imposturas strenuè se præbiturum esse. Cujus sanctis laboribus Christus Ec-
clesiæ caput suo spiritu adesse & benedicere, eique vitam in plurimos annos
prorogare velit, Amen. Bene in Christo vale. Reverende & clarissime Do-
mine Doctor, amice & frater conjunctissime. Tubingæ, 20. Maji, Anno 1602.

R. D. T.

studioſissimus

Stephanus Gerlachius, D.

H h h h 2

XII.